

RIJEČ GLAVNOG UREDNIKA

Poštovana akademska i stručna zajednica, čitateljice i čitaoci,

Sa posebnim zadovoljstvom i ponosom predstavljamo novi broj časopisa „Uprava”, naučnog časopisa za upravu i upravno pravo. Naime, prvi broj časopisa „Uprava” je štampan u maju 2010. godine, pa se izdavanjem ovog broja navršava punih deset godina izdavanja časopisa. U međuvremenu, naši cijenjeni autori su pomogli u profiliranju respektabilnog časopisa koji redovno izlazi dva puta godišnje, te je postao međunarodno indeksiran i prepoznatljiv među akademskom zajednicom Univerziteta u Sarajevu, ali i na drugim visokoškolskim ustanovama u Bosni i Hercegovini i regionu jugoistočne Evrope.

Nadamo se da će u svojoj drugoj deceniji, časopis „Uprava” biti indeksiran u dodatnim međunarodno referentnim naučnim bazama i da će proširiti svoj čitalački i autorski opus i na globalnom nivou, te naravno, dodatno unaprijediti kvalitet naučnih radova i kao takav nastaviti značajno doprinositi reformskim procesima javne uprave, kao i razvoju upravne nauke.

U ovom izdanju časopisa, nastavili smo kombinovati radove koji govore o unapređenju upravljačkih procesa na tržištu sa temama koje se odnose na djelatnost javne uprave. U tom smislu, preporučujemo Vam rad koji govori o metodama za unapređenje efikasnosti turizma.

Radovi koji se odnose na djelatnost javne uprave su širokog opusa, slijedeći sveobuhvatnu upravnu djelatnost i vrlo prilagođeni savremenim izazovima javne uprave. Njihov fokus je na modelima komunikacije u upravi, posebnim alatima komuniciranja i pružanja javnih usluga u vidu e-uprave, zatim vrlo aktuelnoj tematici nedostataka postupaka javnih nabavki u vanrednim okolnostima sa kojima se danas globalno suočavamo, kao i posebnim metodama izbora postupka javnih nabavki, do teme koja se odnosi na regionalnu analizu upravnog spora pune jurisdikcije kao važnog instrumenta upravno-sudske zaštite u postupcima upravnog odlučivanja.

Zahvaljujemo se, još jednom, našim autorima, čitateljima, redakcijama, organima upravljanja Fakulteta za upravu i Univerziteta u Sarajevu, predstavnicima naučnih baza u kojima je časopis indeksiran i svima koji su doprinijeli razvoju časopisa u protekloj deceniji.

U ime redakcije časopisa, srdačno Vas pozdravlja i preporučuje ovo izdanje,

Doc. dr Amel Delić,
glavni urednik časopisa